

PREDMET: Pozivnica na edukaciju mentora u poslovnim subjektima, dostavlja se

Poštovani,

Ovim putem Vas obavještavamo da je u Bosansko-podrinjskom kantonu Goražde u završnoj fazi izrada Pravilnika o praktičnoj nastavi kod poslovnog subjekta. S tim u vezi predviđeno je da svi poslovni subjekti koji primaju učenike na obavljanje praktične nastave, moraju imati edukovanog mentora, odnosno mentora sa odgovarajućim certifikatom. Stupanje na snagu predmetnog Pravilnika planirano je od školske godine 2018/2019 odnosno od septembra 2018. godine.

U vezi sa predstojećom obavezom poslovnih subjekata da posjeduju edukovanog mentora nadležne institucije će organizovati edukaciju mentora o osnovama pedagoško-didaktičkih znanja i vještina za rad sa učenicima, a kako bi poslovnim subjektima omogućili i prije stupanja na snagu ispunjavanje uslova za prijem učenika u budućnosti.

Prema Pravilniku mentor je lice koje:

- a) je zaposleno kod poslovnog subjekta ili samostalni privrednik;
- b) ima radno iskustvo u struci u trajanju od najmanje pet godina;
- c) ima minimalno V stepen obrazovanja;
- d) posjeduje certifikat o završenoj obuci o osnovama pedagoško-didaktičkih znanja i vještina za rad sa učenicima.

S tim u vezi Vas pozivamo na edukaciju mentora koju će organizovati Ministarstvo za obrazovanje, mlade, nauku, kulturu i sport, Ministarstvo za privredu i Privredna komora Bosansko-podrinjskog kantona Goražde uz podršku Deutsche Gesellschaft für Internationale Zusammenarbeit (GIZ) GmbH.

Edukacija mentora je koncipirana prema međunarodnom njemačkom modelu „AdA International Basisversion“ i trajat će 40 radnih sati. Učešće u svim dijelovima edukacije je obavezno. Po završetku edukacije svi učesnici će dobiti Potvrdu o uspješno završenoj edukaciji, a po okončanju svi učesnici će imati mogućnost pohađanja završnog ispita i dobijanja odgovarajućeg certifikata. Svi kandidati koji uspješno polože završni ispit ulaze u Registar certificiranih mentora za rad sa učenicima koje će voditi Ministarstvo za obrazovanje, mlade, nauku, kulturu i sport BPK Goražde. Svi certificirani mentori imat će obezbijeđen finansijski stimulans u dogovorenom periodu osiguran od Ministarstva za privredu BPK Goražde.

Edukacija će se realizovati u periodu od **20. do 24.06.2018. godine** u Privrednoj komori Bosansko-podrinjskog kantona (Zgrada Biznis Centra, Sinan Paše Sijerčića 19), svakodnevno po 8 radnih sati. Organizator snosi troškove edukacije (trener, radni materijal, ručak za učesnike za svih pet dana edukacije i dvije pauze za kafu dnevno). Organizator ne snosi troškove prevoza niti hotelskog smještaja.

S tim u vezi Vas pozivamo da prijavite osobe koje bi će ispred Vaše firme pohađati edukaciju mentora, odnosno one osobe koje će u budućnosti ispunjavati funkciju mentora u Vašoj firmi. Svaka firma ima

pravo da prijavi veći broj kandidata, pri čemu će odabir biti vršen prema prioritetima uzimajući u obzir broj zaprimljenih prijava od svih poslovnih subjekata, dosadašnju saradnju sa školama, broj raspoloživih mjesta i kriterije koje će mentori po stupanju na snagu Pravilnika trebati ispunjavati. U ovoj fazi mogu se prijaviti i lica koja ne ispunjavaju uslove predviđene Pravilnikom.

Molimo Vas da lica ispred Vaše firme prijavite **najkasnije do 13.06.2018. godine**. Svi kandidati će biti obaviješteni do 15.06.2018. o statusu njihove prijave.

Prijava se vrši popunjavanjem online obrasca koja se nalazi na sljedećem linku: <http://bit.ly/EdukacijaMentora> ili popunjavanjem obrasca koji se nalazi u prilogu dopisa. Popunjeni obrazac se dostavlja na email adresu: sanida.hasanovic-car@giz.de ili na broj faksa 033 216-162 .

Sve dodatne informacije možete dobiti na gore navedeni email ili putem telefona 033 216 – 162 ili 038 224 259.

U prilogu Vam dostavljamo poziv i dnevni red za svih 5 dana.

S poštovanjem,

Damir Žuga




Ministar
Ministarstvo za
obrazovanje, mlade,
nauku, kulturu i sport
Bosansko-podrinjskog
kantona

Anes Salman



Ministar
Ministarstvo privrede
Bosansko-podrinjskog
kantona

Dževad Terović



Predsjednik
Privredna komora
Bosansko-podrinjskog
kantona

Isabel Rapp



**Projektna
menadžerica**
Deutsche Gesellschaft
für Internationale
Zusammenarbeit (GIZ)
GmbH

